



## FARG'ONA VILOYATI RISHTON TUMANI HOKIMINING QARORI

2022 - yil 14 - iyun

212-11-158-Q/22

Rishton tumani hokimligi

### **O'zbekiston Respublikasi Prezidentining 2022-yil 16-maydagi PQ-243-sonli hamda Farg'ona viloyati hokimining 2022-yil 2-iyun kungi 211-11-0-Q/22-sonli qarorlari to'g'risida**

Joriy yil 18-mart kuni o'tkazilgan O'zbekiston Respublikasi Prezidentining sog'liqni saqlash sohasi vakillari bilan "Tibbiyotdagi islohotlar - inson qadri uchun" mavzusidagi ochiq muloqoti doirasida belgilangan vazifalar ijrosini ta'minlash, shuningdek, ayrim dolzarb virusli infeksiyalar tarqalishiga qarshi kurashish ishlarini kuchaytirishga qaratilgan O'zbekiston Respublikasi Prezidentining 2022-yil 16-maydagi PQ-243-sonli hamda Farg'ona viloyati hokimining 2022-yil 2-iyun kungi 211-11-0-Q/22-sonli qarorlari ijrosini ta'minlash maqsadida

#### **QAROR QILAMAN:**

**1.** O'zbekiston Respublikasi Prezidentining 2022-yil 16-maydagi "Ayrim dolzarb virusli infeksiyalar tarqalishiga qarshi kurashish chora-tadbirlarini takomillashtirish to'g'risida"gi PQ-243-sonli hamda Farg'ona viloyati hokimining 2022-yil 2-iyun kungi 211-11-0-Q/22-sonli qarorlari rahbarlik va ijro uchun qabul qilinsin.

**2.** O'zbekiston Respublikasi Prezidentining mazkur qarori bilan:

2022-2025 yillarda ayrim dolzarb virusli infeksiyalar tarqalishiga qarshi kurashish chora-tadbirlarini takomillashtirish bo'yicha dastur (keyingi o'rinda – Dastur) 1-ilovaga muvofiq;

2022-2023 yillarda epidemiologik ko'rsatmaga muvofiq, davlat sog'liqni saqlash tizimidagi tibbiyot xodimlarini gepatit "V" infeksiyasiga qarshi emlash bo'yicha maqsadli ko'rsatkichlar 2-ilovaga muvofiq tasdiqlanganligi;

aholi orasida ayrim virusli infeksiyalarni o'z vaqtida profilaktika va diagnostika qilish, ularni davolash bo'yicha aholiga ko'rsatiladigan tibbiy-ijtimoiy

yordamni yanada takomillashtirish va kengaytirishning asosiy yo‘nalishlari belgilab berilganligi;

barcha davolash-profilaktika muassasalari, sanitariya-epidemiologiya xizmati hamda nodavlat tibbiyot tashkilotlarida jigar surunkali virusli kasalliklarining yagona elektron reyestrini yaratish va uni yuritilishi;

2022-yil 1-iyuldan boshlab Virusologiya ilmiy-tadqiqot institutida hamda Sog‘liqni saqlash vazirligi tomonidan belgilanadigan Qoraqalpog‘iston Respublikasi, Navoiy, Buxoro, Qashqadaryo, Surxondaryo, Jizzax va Sirdaryo viloyatlaridagi tegishli muassasalarda Qrim-Kongo gemorragik isitmasi bilan kasallanib tuzalgalarning (donorlarning) qon plazmasi banki yaratilishi;

2022-yil 1-sentabrdan Ma’muriy javobgarlik to‘g‘risidagi kodeksning 190-moddasida nazarda tutilgan huquqbuzarliklarni sodir etgan shaxslarga nisbatan javobgarlikni belgilash bilan birga ularni o‘z hisobidan gepatitning “B” va “C” turlariga skrining tekshiruvlaridan o‘tkazish tartibi joriy etilishi;

2022-yil 1-noyabrga qadar jigar surunkali virusli kasalliklarining yagona elektron reyestri (keyingi o‘rinlarda – Reyestr) ishlab chiqilishi;

2023-yil 1-yanvarga qadar Reyestrni yuritishni qon va uning tarkibiy qismlari bilan ishlaydigan xodimlarga ega bo‘lgan davolash-profilaktika muassasalari, sanitariya-epidemiologiya xizmati hamda mulkchilik shaklidan qat’iy nazar barcha tibbiyot tashkilotlariga joriy qilib, ularning o‘zaro integrasiyasining yo‘lga qo‘yilishi;

2024-yil 1-yanvardan boshlab nodavlat tibbiyot tashkilotlarida qon va uning tarkibiy qismlari bilan ishlayotgan xodimlarning gepatit

“B” infeksiyasiga qarshi emlangan bo‘lishi hamda Reyestrning belgilangan tartibda yuritilishi tibbiy faoliyatni lisenziyalash talablari va shartlaridan biri hisoblanishi inobatga olinsin.

**3.** Tuman hokimining o‘ribbosari Z.Umarov, tuman Tibbiyot birlashmasi (A.Usmonov), Mahalla va nuroniylarni qo‘llab-quvvatlash bo‘limi (X.Xojixonov) bilan birgalikda joylarda virusli infeksiyalarning oldini olish bo‘yicha aholi o‘rtasida keng qamrovli tushuntirish, targ‘ibot va tashviqot ishlarini olib borsin.

**4.** Tuman Tibbiyot birlashmasi (A.Usmonov)ga, barcha davolash – profilaktika muassasalari rahbarlari bilan birgalikda:

virusli gepatitlarning “B” va “C” turlarini erta aniqlash uchun tumanda skrining tekshiruvlarini o‘tkazish va aniqlangan kasalliklarni davolash;

2022-2023 yillar davomida kasallik yuqishi xavfi yuqori bo‘lgan shaxslarni, shu jumladan, qon va uning tarkibiy qismlari bilan ishlovchi tibbiyot xodimlarini gepatit “B” infeksiyasiga qarshi emlash choralarini ko‘rsin.

**5.** Tuman Tibbiyot birlashmasi (A.Usmonov), Moliya bo‘limi (I.Djurayev) bilan birgalikda:

sog‘lijni saqlash tizimining birlamchi bo‘g‘inida virusli infeksiyalarni aniqlash uchun sarflov materiallari (reagent va test-to‘plamlari) bilan bosqichma-bosqich to‘liq ta’minalash yuzasidan tegishli choralarni ko‘rsin.

**6.** Tuman hokimligi Axborot xizmati (A.Dehqonov), “Rishton haqiqati” gazetasi (Z.Yigitaliyev) mazkur qarorning mazmun-mohiyatini ommaviy axborot vositalarida, shuningdek, aholi o‘rtasida keng yoritilishi tavsiya etilsin.

Bunda, tuman Tibbiyot birlashmasi (A.Usmonov) bilan birgalikda mavzuga oid maqolalar, turkum teleko‘rsatuv va radioeshittirishlar tashkil etish orqali aholi o‘rtasida virusli infeksiyalarga qarshi kurashishning dolzarb masalalari muntazam va keng yoritib borilsin.

**7.** Mazkur qarorning ijrosini samarali tashkil qilishga mas’ul va shaxsiy javobgar etib tuman hokimining o‘rinbosari Z.Umarov, tuman Tibbiyot birlashmasi boshlig‘i A.Usmonov, tuman Sanitariya epidemiologiya osoyishtaligi va jamoat salomatligi markazi boshlig‘i U.Toshpo’latov belgilansin.

8. Mazkur qarorning ijrosini nazorat qilishni o‘z zimmamda qoldiraman.

**Tuman hokimi**



**S.Soliyev**